

# In interessant patg electoral digl onn 1659

Autor(en): **Maissen, Felice**

Objekttyp: **Article**

Zeitschrift: **Igl Ischi : organ della Romania (Societat de Students Romontschs)**

Band (Jahr): **43 (1957)**

PDF erstellt am: **05.07.2024**

Persistenter Link: <https://doi.org/10.5169/seals-881568>

## **Nutzungsbedingungen**

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

## **Haftungsausschluss**

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.



## In interessant patg electoral digl onn 1659

da Sur Felice Maissen, caplon, Zignau

Gl'onn 1659 ein ils dus pli prominents politichers della Cadi de lez dis, numnadamein landrechter Duitg de Latour de Breil ed igl aunc pli enconuschent mistral Clau Maissen de Sumvitg s'uni entras ina solemna congiuraziun ne engirament ad ina alleanza politic-electoral che ha giu sias consequenza ils onns suandonts. Gie ins sa constatar che quella ligia ha giu considerabels success en emprema lingia per ils dus coninteressents sez, sco era per lur adherents e parents, mo era buca il davos per lur partida politica, la spagnola.

Dapi igl onn 1648 entochen 1675, pia duront quasi trenta onns, entupein nus quels dus umens il pli savens, sebrattond giu en ils uffecis de cumin e della Ligia Grischa sco mistral e landrechter. Dasper sias qualitats personalas, ha Clau Maissen nun-disputablamein d'engraziar siu posteriur success electoral alla alleanza cun il versau politicher de gronda adherenza. Mo era Latour vegn a ver profitau dalla buca pintga influenza de siu conalliau. Landrechter Duitg (nasch. 1616) era 5 onns pli vegls che Maissen (nasch. 1621). Dal temps della cunvegnientscha era el gia staus duas ga cauligia (landrechter).<sup>1</sup> Podà ch'el sesenteva egl avegnir periclitaus en sia carriera. Quei selai sminar, tonpli che la partida spagnola vegneva en lezs dis combattida vehementamein. Igl onn 1659/60 sesaulza in furius stemprau ord cercels della partida franzosa e sederscha cun rabia encunter la partida spagnola. Plirs partisans de quella vegnan castigai cun salai castitgs en daners.<sup>2</sup>

<sup>1</sup> Sur Latour comp. *Lexikon hist.-biogr.*, tom 4. pg. 610.

<sup>2</sup> Al. Pfister, «Partidas e combats ella Ligia Grischa, da 1494—1794», comp. en las «Annalas della società retoromantscha» XL, pg. 102—104.



bassadur spagnol Francesco Casati, sesents a Cuera, per rinforzar sia partida. Aschia dat quei act ch'ei carteivel entochen oz buca vegnius observaus avunda, certas directivas el svilupper politic de lezs dis.

Il text della congiuraziun sesanfla en copia egl archiv episcopal a Cuera.<sup>3</sup> Il cuntegn dil concept en lungatg talian cumpeglia 6 puncts. Ell'introducziun declaran ils dus contrahents ch'entras malperinadad, cunzun sch'ella existi denter persunas d'autoridad, vegni il pievel cumin savens restrenschius en ses

Igl engirament electoral denter ils dus numnai partisans spagnols pon ins denton era considerar sco ina scaffiziun digl andretgs e periclitaus en sias libertads. Per prevegnir a quels donns seigien ils dus suttascrets secunvegni en vicendeivla, sincera confidanza ed hagien engirau il suandont:

1. Ils dus contrahents empermettan en fei e verdad ded esser egl avegnir units en tuttas caussas concernentas l'honor e la reputaziun dil cuminétel: de segidar in l'auter unanimamein e fideivlamein, ensemen cun ils adherents de mintga part, enten procurar il public beinstar. Els vulan gidar in l'auter era els agens interess, seigi quei enten surprendre uffecis de cumin u della Ligia ne en Valtlina, e quei encunter tuttas autras pusseivlas machinaziuns. Per quei intent declaran ils contrahents, che questa cunvegnientscha dueigi abrogar tuttas eventualas autras anteriuras fatgas cun tiazas persunas.
2. Vegn in u l'auter uffeci vacants, en u ordeifer il cumin, sche dueien ils dus contrahents porscher in l'auter vicendeivel agid. En cass che omisdus aspirassien sin il medem uffeci, sche duei in ceder igl uffeci a l'auter, per amur dell'amicezia. Ils treis suttascrets confidents han en gliez cass de destinar, qual hagi de surprendre igl uffeci, sco era tgei recompensa quel hagi lu de dar a quel che ceda igl uffeci.
3. En particular s'oblighescha landrechter de Latour de gidar cun sia entira pussonza ed aderenza che mistral Maissen vegni guvernatur en Valtlina la proxima ga che la Cadi ha ded occupar quei uffeci (1665). El sez s'oblighescha da sia

---

<sup>3</sup> *Archiv episcopal*, Cuera, Cartular T, pg. 370 sut ils 19 de fevrer: «Copey eines accords entzwyschen dem Herrn Landr. Ludwig de la Torre und dem Herrn Nicolaus Mayssen von Disentis». Comp. Appendix.



vart de desister della candidatura e de procurar che ses adherents fetschien il medem. Obtegn Maissen igl uffeci, dat el persunter a Latour ina recompensa. La summa de quella han ils treis suttascrets confidents de destinar. La summa ha de vegnir surdada avon ch'el entri en uffeci.

Perencunter s'oblighescha mistral Maissen de procurar che Latour vegni landrechter la proxima ga che igl uffeci croda alla Cadi (1663) e ch'el obtegni la sindicatura en Valtellina (1661) la proxima ga. Duess baul ne tard in ne l'auter dils treis confidents muncar, sche dueien ils dus contrahents eleger in auter. San els buca securdar lièn, sche dueien ils dus auters confidents destinar quei tierz.

4. Il quart punct destinescha che suenter ch'in dils dus alliai hagi gudiu in uffeci duront ina perioda, dueigi l'auter suandar en uffeci l'autraga. Duess ei nescher denter ils dus congiurai baul ne tard ina malentelgientscha, sche duei la caussa vegnir decidida entras ils treis confidents, als quals ils dus alliai s'obligheschan ded obedir senza contradicziun.
5. En cass che ne in ne l'auter dils dus congiurai aspirass sin in uffeci, sche han els de gidar comunablamein in tierz bien amitg a quei uffeci. San els denton buca s'unir sin in, sche duei quel vegnir destinaus dals treis confidents.
6. En quest sisavel punct dil contract empermettan ils dus congiurai de setener nunviolablamein vid quei patg, ch'els han buca mo fatg oralmein, en fei e verdad, mobein il qual els han engirau ded observar fideivlamein e duess in ne l'auter ded els daventar en in ne l'auter grau culpents, sche ha el de pagar a l'auter ch'ei staus fideivels agl engirament sco peina 1000 ducats. Sco lur confidents elegian els Johannes VI, Fluggi d'Aspermont, uestg de Cuera, comt Francesco Casati, ambassadur spagnol, e signur docter Guglielm Schmid de Grüneck de Glion. Els s'obligheschan ded ussa ed adina se-suttametter allas decisiuns de quels treis confidents e suppli-cheschan els de ratificar il contract.

Il contract ei suttascrets e munius cul bul dils dus congiurai, sco era dils treis congarants.

Igl intent ch'ils dus congiurai han persequitau cun lur engirament ei de veser claramain ord il text dil patg. En emprema



lingia han ils dus contrahents profitau personalmein enten arri var tier ils divers uffecis. Il proxim intent che Clau Maissen due va contonscher entras quella ligia, numnadamein la guvernatura a Sondrio, il pli ault uffeci en Valtlina, ha el cuntonschiu. Mo era Latour ha cuntonschiu l'emprema etappa destinada, numnadamein igl uffeci de cauligia per 1660 e de sindicatur 1661. La gliesta d'uffecis muossa co quels dus umens han da cheu naven regiu lur buna part, schegie ch'els havevan gia avon gudiu de bia uffecis. Aschia vegn Maissen, il qual para de ver profitau il bia, aunc duasga mistral, suenter ch'el era staus tschungga. E suenter che Latour ei staus landrechter 1660, tenor il patg, suonda Clau Maissen en quei uffeci e quei mintg'onn che tal croda alla Cadi, entochen sia mort, cun excepziun digl onn 1666. Quei onn eis ei matei buca reussiu, essend ch'el ei staus 1665 guvernatur en Valtlina. Mo era a Latour reussescha ei de vegnir aunc treis ga mistral e duas ga sindicatur, la davosaga president dils sindicaturs. Suandonta gliesta porscha ina megliera survesta.

**Duitg de Latour:**

Mistral: 1648, 1649, 1662, 1663, 1674.<sup>4</sup>

Landrechter: 1654, 1657, 1660.<sup>5</sup>

Sindicatur: 1661, 1667 (pres.)<sup>6</sup>

**Clau Maissen:**

Mistral: 1651, 1652, 1653, 1658, 1659, 1670, 1671.<sup>7</sup>

Landrechter: 1663, 1669, 1672, 1675.<sup>8</sup>

Sindicatur: 1657, 1673.<sup>9</sup>

Guvernatur: 1665.<sup>10</sup>

Sco padrins de quella congiuraziun han funzionau persunas della pli gronda peisa: Igl uestg de Cuera, Casati e docter

<sup>4</sup> *Il Glogn* 1944, gliesta de mistrals, pg. 93.

<sup>5</sup> *Ligia Grischa*, cudisch festiv, gliesta de landrechters, pg. 282.

<sup>6</sup> *Il Glogn* 1944, pg. 56.

<sup>7</sup> *Glogn* 1944, pg. 93.

<sup>8</sup> *Ligia Grischa*, cud. festiv, pg. 282.

<sup>9</sup> *Glogn* 1944, pg. 56.

<sup>10</sup> Fr. *Jecklin*, «Die Amtsleute in den bündnerischen Untertanenlanden», en *Jahresbericht der Hist.-ant. Gesellschaft v. Graub.* 1890, pg. 34 e *Glogn* 1944, pg. 56.



Schmid de Glion. Igl uestg era partisan spagnol.<sup>11</sup> Medemamein era Guglielm Schmid.<sup>12</sup> Quei treidubel patrunadi muossa evidentamein che numnada alianza era fatga en interess della partida spagnola, la quala vegn facticamein era ad haver profitau ordlunder.

Con gronda la vicendeivla simpatia personala ei stada denter quels dus magnats ei grev de distinguer. Dr. Al. Pfister, il meriteivel scrutatur de Gieri Genatsch, manegia denton che las relaziuns amicablas che de Latour manteneva cugl avat Adalbert II de Mustér, in partisan franzos, hagien allontanau el empau da canoni Sgier e Maissen.<sup>13</sup> Seigi sco ei vegli, strusch vegn onns suenter quella cordiala alianza, era la vicendeivla carezia aschi gronda che Latour ei buca senuspius de far il capo actur el process encunter Clau Maissen en num della dertgira della Cadi.<sup>14</sup> — —

Duitg de Latour ei ultra de quei aunc sefatgs renomaus entras il sgarscheivel process de strias ella Cadi digl onn 1675. Quei onn era il mistral en uffeci entochen Gliendisdis-Tschunchesmas. Lu ei siu feagl Caspar suandaus en uffeci. El cuort interval de dus meins, dals 13 de matg entochen ils 15 de fenadur, ha la dertgira fatg il process encunter 38 strias ni striuns. Paupras unfrendas ded ina crudeivla superstiziun — d'ina smisereivla missla dils pievels! Da quellas 38 ein 28 persunas vegnidadas berschadas! In um ei vegnius pendius, in auter exiliaus per veta duronta. Duas femnas ein mortas en perschun. Mo quarter persunas ein vegnidadas dadas libras. Cun duas san ins buca co igl ei iu.<sup>15</sup>

Nus vein denton buca d'emblidar che tallas e semegliontas congiuraziuns sco la sura denter ils dus potentats, eran da gliez temps empau «gronda moda». Nies cass stat tuttavia buca singuls cheu. Ils dus conalliai havevan aunc en buna memoria la congiuraziun dils «concadenai» digl onn 1637, che haveva igl intent de scatschar ils Franzos ord la tiara. Per quella fin era

---

<sup>11</sup> Dr. Ant. v. *Castelmur*, en «Bündner Monatsblatt» 1932, pg. 24.

<sup>12</sup> *Pfister*, «Partidas e combats», pg. 102, 104 (cun las gliestas de pensiuns).

<sup>13</sup> *Pfister* «Partidas e combats», pg. 104.

<sup>14</sup> *Lexicon hist.-biogr. Svizzer*, tom IV, pg. 610, sut Latour. (A Pf.) Plinavon: *Decurtins C.*, Landr. Nikolaus Maissen, pg. 30 (Diss.) e *Castelmur* o. c. pg. 64.

<sup>15</sup> *Annalas della Società Retoromantscha*, VIII, pg. 135.



ina retscha dils pli prominents umens ord tuttas contradas della Tiara s'alliai entras engirament e cun exprimer gronds castitgs «vid rauba, honor e veta» per tal che duessi vegnir anflaus malfideivels.<sup>16</sup>

Duitg de Latour sez ei staus commember d'in'otra congiuraziun digl onn 1654. Quei onn ei igl uestg, Gion Fluggi d'Aspermont ed in considerabel diember de menaders catolics medemamein s'alliai sut engirament.<sup>17</sup> Ei era in temps de gronda malperinadad confessionala. Dapertutanavon sbrinzlava il fiug dell'irritaziun en fatgs confessionals. Il fevrer de quei onn (1654) han ils de Cuera occupau violentamein la Claustra de dominicans de s. Clau a Cuera.<sup>18</sup> Els quater Vitgs ed oravontut a Zezras dev'ei caliradas debattas confessionalas, cunzun pervia della preschientscha dils caputschins.<sup>19</sup> A Cuera ei quei onn ina processiu vegnida disturbada. Ils de Domat e Razén havevan empermess in pelegrinadi a Rankweil ell'Austria vischinonta. Turmond els anavos en processiu tras Cuera, vulan els far ina viseta alla catedrala, mo vegnan reteni. Ins haveva serrau las portas dil marcau. Ei dat ina dètga cumedia: ins scarpa ils cafanuns giud las astas e grescha buschias e smanatschas vidaneu, entochen ch'il magistrat dil marcau fa ina fin ed arva las portas.<sup>20</sup> En Tumliasca, cunzun a Tumeagl, dat ei pervia della basel-

---

<sup>16</sup> Il cuntegn della brev della Ligia de Cadeinas sesanfla en excerpt tier Ernst Haffter, «Georg Jenatsch», Tavau, 1894, pg. 299/300. Ina copia de quella brev sesanfla era egl *archiv cant. Aarau*, collecziun Zurlauben, tom 147, pg. 405/406. Denter ils congiurai della Ligia de Cadeinas sesanflan ils suandonts Sursilvans: Conr. de Castelberg, colonel de Florin, Johann Coray, Cristoffel de Montalta, Gion Gudegn Schmid de Grüneck e Gion Guglielm Schmid de Grüneck.

<sup>17</sup> Ina copia della brev de quella congiuraziun sesanfla egl *archiv episcopal*, Cuera, mappa 58, sut ils 26 de fenadur 1654.

<sup>18</sup> *Archiv episcopal*, mappa 58, Ferdinand III, al col. Zwyer, pervia della restituziun della claustra, ils 6 de fevrer 1654; plinavon il rapport ded Elias Ziegler, plevon de Tschengels, sur dellas violenzas enviars la claustra, dils 23 de fevrer 1654. Era *Archiv cant. Cuera*, protocols della dieta, tom. 29, pg. 3/4. Surlunder era P. Gillardon, «Nikolaikloster und Nikolaischule im 17. Jahrh.» Schiers, 1907.

<sup>19</sup> *Archiv episc.* mappa 58, ils 3 de zercl. 1654 (la dieta evangelica als catolics de Zezras), ils 20 de nov. 1654 (la dieta generala de Glion als catolics de Zezras). Plinavon: *archiv cant. Cuera*, protocols della dieta, tom 29, pg. 15, 62, 64. Surlunder era: Hans Berger «die Reformation im Kreise der Fünf Dörfer», pg. 124.

<sup>20</sup> *Eidgenössische Abschiede*, tom 6,1, pg. 224; *archiv episc.*, mappa 58, brev dils cantuns catolics agl uestg, dils 16 de fen. 1654; *archiv cant.*, prot. della dieta, tom 29, pg. 15.



gia e dils beins parvenda denter catolics e reformai entirs tumults e violenzas e liungas tractandas.<sup>21</sup> A Beiva cuozzan las medemas dispettas gia dapi onns enneu ed occupeschan las dietas cun irritadas debattas.<sup>22</sup> Il medem onn havevan ils cusseglers catolics era de sedefender encunter la tgisa dils reformai, de ver insultau ils de priedi.<sup>23</sup> En vesta de quella prigulusa situaziun ein ils catolics seligiai quei onn ((1654) cugl intent de defender la cardientscha catolica.<sup>24</sup> Plinavon han ils conalliai empermess agid e sustegn a mintga singul ded els che duessi baul ne tard vegnir persecuitaus pervia de fatgs de confessiun.<sup>25</sup>

Ils 10 d'uost 1668 han igl uestg Duri de Mont, decanatedral dr. Mathias Sgier ed il custos Francestg Tini era fatg ina allianza ed empermess ded esser e restar units en tuttas damondas ecclesiasticas e politicas, oravontut en fatgs digl uestgiu, per manteniment e protecziun della diocesa e della cardientscha en Rezia.<sup>26</sup> Nus anflein en quei document de congiuraziun fetg

21 *Bündner Monatsblatt* 1954, pg. 191 e ss.

22 *Annalas della Società Retoromantscha* 1956.

23 *Archiv cant.*, protocols della dieta, tom 29, pg. 11.

24 «... Erstens wollen wir im Gemein und besonders nach besten unsern Verstand, Kräfte und Vermögen dahin vermeint und gedacht sein, die wahre Römische Catholische und allein seeligmachende Kirch und Religion, auch alle und jede deren zuestehende immuniteten, frey — recht — und gerechtigkeiten, zuemahlen Kirchen und Zieratten, um was deme allem weiter zustendig, so in unseren gemeinen Drei Pündten, so wollen auch in deren Untertanen Landen Ingehept und von rechtswegen zuestendig ist, vestiglich handhaben, deselbige keinswegs endtwehren, noch abdringen lassen, sondern da jemandt in gemein oder besonder, mit gewalt etwas darvon entwehren wollte, versprechen wir einhelliglich, dass wir mit allem vermögen, einanderen beyspringen und mitt rath und tatt biss aufs äusserste mit guot und bluot zusammensetzen einanderen helfen, schützen und schirmen wollen...»

25 «... so sich begeben sollte, dass wider uns samtlichen Im Gemein oder wider einen Jeden in besonder von unseren Widersachern ein persecution oder Vervolgung, so zum Abbruch der Defension der Catholischen Religion erdacht wehre fürgenomben und angestiffet werden sollte, wollen wir jederzeit einanderen beyspringen und einer dem anderen so er dessen ermahnet wird, mit allen kräften und vermögen schützen und schirmen.»

Ils nums dils congiurai ein: Johannes Fluggi, uestg, Duitg de Latour, Johann Travers ded Orthenstein, Hans Simon de Florin, Meltger de Mont, Pieder Scarpatetti ded Unterwegen, Conradin de Castelberg, Giachen de Montalta, Stiafen Muggli, Hans Barthli Montalta, Leonhard Florin.

26 *Archiv episc.*, Cart. U., pg. 283—285.



las medemas fuormas ed expressiuns sco en la congiuraziun de Latour e Maissen.<sup>27</sup>

Igl onn 1673 puspei, in temps de grevs combats politic-ecclesiastics, engiran ils signurs catolics avon igl uestg de tener dil tut tschelau lur conclus. En cass ch'in cunterfagess, vegn smanatschau grevs castitgs, cun quasi las medemas expressiuns sco tier il serrament Laltour/Maissen.<sup>28</sup>

Ina fetg semeglionta congiuraziun sco quella de 1659 ei stada quella de 1674. Haveva il tribun de Sumvitg giu ded engraziar in bien ton de ses success politics alla alianza cul magnat de Breil, sche daventa el quellaga sez per gronda part ina unfrenda ded ina congiuraziun, quellaga drizzada encunter el. Ils 6 de matg han quei onn (1674) endisch signurs della Ligia Grischa fatg ina congiuraziun solemna denter els cun igl intent d'impedir che Clau Maissen vegni il proxim onn elegius cauligia. Sut engirament empermettan els de perseguitar lur intent senza risguards. Duess in ne l'auter tschessar dall'empermischun, duei vegnir procediu encunter el per fauls engirament. Ils congiurai han malgrad tut buca contonschiu lur intent: Maissen vegn l'autraga — entras agid de Casati — cauligia per 1675.<sup>29</sup> Ils congiurai denton han giu de dar plaid e fatg pervia de quei engirament, pér diesch onns pli tard, a caschun della dertgira nauscha de 1684. Leu han ils alliai motivau lur proceder oravontut cun far valer che Clau Maissen seigi semussaus memia passionaus els combats confessionals de 1672/73<sup>30</sup> En verdad ha il «grond»

---

<sup>27</sup> «Conoscendo noi, il vescovo Udalrico di Monte, decano Mathia Schgier et Francesco Tini custode, che l'unica conservazione di questo vescovato di Coira et Religione Cattolica nella Rezia, dipenda in questa nostra Residenza totalmente dall'unione et buona intelligenza tra noi, onde per accadere a tanto Bene, et sodisfare alle nostre conscienzie, habbiamo col invocatione del aiuto divino, risoluto et deliberato spontaneamente, di collegarsi et unirsi insieme, come in virtu di questa si collegiamo et uniamo, con ligamo et unione da non scogliersi, se non con la morte, prometendo con fede giurata, et sotto pena di perpetua infamia, et di esser lecito perseguitare, mortificare, anzi estermiare quello, il quale si trovasse mancante et contrafaciente direttamente o indirettamente a questa santa et zelante risoluzione di restare inviolabilmente cosi uniti et collegati, et di passare tra noi con vera sincera et reale intelligenza, in tutte le cose ecclesiastiche et politiche, et di difendersi con tutte le forze et con ogni scietezza l'uno l'altro . . .

<sup>28</sup> *Archiv episcopal*, «Auszüge aus den Kapitelsprotokollen 1661—1678» pg. 144.

<sup>29</sup> *Comp. dr. Ant. de Castelmur*: Landr. Nikolaus Maissen, Cuera 1929, pg. 56/57.

<sup>30</sup> *Castelmur*, o. c., pg. 57.



de Sumvitg senza dubi buns merets per la caussa catolica e per igl uestgiu entras sia energica e decidida posizium duront lezs embrugls confessionals.<sup>31</sup>

Per demonstrar che tallas congiuraziuns eran da lezs temps empau la moda, savess ins aunc allegar che decan Mathias Sgier hagi giu fatg ne consentiu a tallas duront il temps ch'el regeva el Segneradi de Razén (1674—78).<sup>32</sup>

Finalmein seigi aunc menzionau, ch'ils canonis, decan Sgier, Humelberg, Travers e von der Halden ein s'alliai igl onn 1683 en fuorma d'engirament, cun igl intent de proteger l'immunitad ecclesiastica ed igl uestgiu. Els han denton era uniu cun quella alleanza interess personals, el senn de segidar in l'auter tier pli aults uffecis e pli grondas honurs, ual sco tier la congiuraziun Latour/Maissen.<sup>33</sup>

Ins vesa che la congiuraziun electorala de 1659 ei tuttavia buca in cass singular. E sa conts signurs ein pli tard — entochen il di ded oz — serabitschai sin la sutga, sin tallas e semegliontas modas: entras patgs, cunvegnientschas ne silmeins — sco ins di oz, — entras «protecziun»!

---

<sup>31</sup> *Archiv episc.*, «Auszüge» pg. 35 e ss., p. ex. il votum de Maissen en ina conferenza dils 28 de sett. 1673 (pg. 210) «... eo quoque modo, che essendo tanto impegnato li cattolici, non possino più desistere, et tutti prepararsi a difendersi in ogni miglior modo et in caso di bisogno mettersi in postura et fare da veri soldati da Christo et doppo pranzo marchiare.»

L'auter di, ils 29 de sett., en ina conferenza cun igl uestg, il capetel cathedral e plirs menaders catolics, di Maissen denter auter: «... che il sigr. Conte minaccia di voler esso scriver sopra li communi, dimandando il passo et in tal caso lui dara la colpa di tutti alli principali cattolici et principalmente ad esso sigre Maissen, al quale gli venga minacciato da Protestanti da prendergli la vita et sono spallati da Sua Ecc. sigr. Conte, quale parli molto male da esso sigr. Maissen, che lui tutto quello ha fatto sia seguito per la manutenzione della fede, per la quale sia anche pronto di perdere la vita.» (pg. 220). En là medema radunonza di Clau Maissen (224): «... che lui sia perseguitato, ma che non gia teme alla sua vita, sperando che Iddio non lascerà perciò patire li suoi figlioli et dare questa risposta al sigr. Conte...»

<sup>32</sup> «*Bündner Monatsblatt*» 1953, nr. 7, pg. 209.

<sup>33</sup> *Archiv episc.* Cartular U, pg. 310—315.



## Appendi x

Copia digl accord denter landr. Duitg de Latour e mistr. Clau Maissen  
dils 19 de fevrer 1659.

(Archiv episcopal, Cuera, Cast. T. pg. 370)

In nomine Domini, Amen.

Essendo che per le male intelligenze et discrepanze quale nascono fra particolari principalmente se sono di considerabile autorità, il publico ne sente certo incomodo e pregiudicio della commune libertà; per tanto vedendo li infrascritti sig're Landrichter Ludovico della Thorre e sig're Landamanno Nicolo Meisen, che senza una sincera reale confidenza et corrispondenza, non solo li proprii interessi ma anco il puplici della patria e Communità loro puotrebbero nell'avenire incontrare in quelli inconvenienti, che per il passato si hanno cisti, si sono pericò accordati, convenuti et agiustati in forma giurata come segue.

1) Promettono in fede e parola d'honore, che per l'avenire in tutte le occorenze concernente l'honore reputatione del Ben publico saranno uniti, sinceri e fedeli, assistendosi l'un l'altro insieme con li adherenti di ciascuno de predetti sig'ri a procurare il ben publico, et insieme anco li proprii interessi, tanto in materia di qualsivoglia officio nella Communità propria, toccente quanto in ordine alla Legha Grisa et Valtellina, remota qualsivoglia machinatione in contrario, et a questo fine protestano et promettono, che la presenta conventione debba precedere, derogare ad ogni altra o trattati che fossero stati fabricati con qualunque altra persona, dichiarando quelli cassi et di niun valore.

2) Venendo qualche officio, tante nella communità quanto di fuora debbano prestare l'uno l'altro vicendevolesse aiuto et assistenza, et quando ambo doi inchinassero di havere l'istesso officio, in tal caso per la conservatione dell'amicitia, l'uno dovra cedere l'officio all'altro con che però sia in puotere delli infrascritti Ill'mi sig'ri Comuni confidenti di disporre et commandare quale debba havere tal officio come anco la recompensa, che si deve dare a quello non ha l'officio.

3) In particolare si obliga il sig're Landrichter della Thorre di assistere et a aiutare con tutte suo puotere et adherenza, che il sig're Maissen ottenga l'officio di governatore in Valtellina prossimo toccante, sia per qualunque modo habbia di esser eletto, promettendoli di cedere la sua parte, et fare che tutti quelli da esso sig're Landrichter dependeranno faccino il medesimo, et questo con minor gravezza che sia possibile, et ottenendolo il sig're Maissen riconoscerà con una ricompensa, che sara ad giudicata dalli medesimi infrascritti sig're Ill'mi avanti entri nel officio; All'incontro s'obliga in oltre il medesimo sig're Maissen, con ogni suo puotere di aiutare che il sig're Landrichter della Thor-



re ottenghi la futura ministralia officio di Landrichter et prossima syndicatura che toccara nella sudetta Communità, s'indende anco, se in breve o in longo mancasse qualche d'uno de patroni confidenti, debbano di commun censenso li doi sig'ri confidenti nominare un altro sig're confidente et caso non puotessero accordarsi nella nomina, sara in arbitro de medesimi sig'ri confidenti di loro nimirare uno in solidum, quale senza in contraditione veruna deve essere adnesso.

4) Acciò l'anime siano piu equali, che sia possibile, nelli rimanenti officii operanno in modo tale, che quando uno haverà goduto un officio, l'altro seguiti nel susseguente, con pato pero che se uno sara stato di maggior utile, questo debba riconoscere l'altro, come li confidenti li comandaranno di tempo in tempo, dovendo qualsivoglia et di che sorte si sia difficoltà pretesa, disputa, che puotesse in breve o in longo tra li nominati sig'ri contrahenti nascere, esser decisa, comandata et liquidata dalli soli sig'ri confidenti a quali doveranno obedire l'uno e l'altro senza veruna contraditione in tutti li casi che puotranno occorere.

5) In occorenza di qualche officio, che ne l'uno ne l'altro de prenominati sig'ri contrahenti pretendesse doveranno di commun consenso concertare a beneficio di un terzo buono amico, et non puotendo accordarsi, debba anco quello essere dichiarato et nominato dalli sig'ri confidenti.

6) S'obligano l'un e l'altro de contrahenti non solamente in parola, ma fede et lakonore, di inviolabilmente osservare tutto il soprascritto, come giurato, sotto pena di mille Ducatoni, quali doverà pagare senza altre ragioni ne contraditione quello (il che Dio non voglia) si trovasse haver mancato a sudette conventioni et promesse, all'altro che fosse stato fedele, et osservante della conventione.

Non ostante qualsivoglia eccezione stattuò, o altro, che in contrario disponesse, et per maggior stabilita sicurezza, indubitata fede di questa vicendevoli promesse, hanno dichiarato per li confidenti msgr. Ill'mo vescovo di Coira, Giovanni Flugio e sig're Amb're Conte Casate, et il molto ill're sig're dottore Schmid di Jante, supplicandoli humilissiamamente a ratificare con la di loro gratia et autorità questa inviolabile sincera amicitia et vincendevole corrispondenza, ratificando, ex nunc pro tunc, tutto quello da medesimi patroni ci sara da tempo in tempo ordinato, et comandata alla lui patronanza, et Bravia ci gettiamo, in fede di che non solo habbiamo Ambi sottoscritto la presenta scrittura, et sigilata con nostri sigilli, ma anco humilmente supplicato la medesimi Ill'mi sig'ri a rattificarla con la propria sottoscrizione et sigilli, Coira li 19 di febraro 1659.

Gio. vescovo di Coira LS

Francesco Casate LS

Guglielmo Schmidt a Grüneck LS

Nicolaus Maissen LS

Ludovico della Thorre LS